



## წყალტუბოს მუნიციპალიტეტის საკრებულო

N 36 5

### განკარგულება

31/01/2020

#### წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2019 წელს გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ანგარიში, წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2019 წელს გაწეული მუშაობის შესახებ (თან ერთვის).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის ანგარიში 2019 წელს გაწეული მუშაობის შესახებ.
2. წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის მიერ 2019 წელს გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

პაატა ახალაძე

საკრებულოს თავმჯდომარის მ.შ

წყალტუბოს მუნიციპალიტეტის საკრებულო



ანგარიში

**წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის  
სამსახურის მიერ 2019 წელს გაწეული მუშაობის შესახებ**

სამხედრო აღრიცხვის, გაწვევისა და მობილიზაციის სამსახური არსებული კანონმდებლობის შესაბამისად უზრუნველყოფს საქართველოს მოქალაქეთა სამხედრო აღრიცხვაზე აყვანას, სამხედრო სამსახურისათვის მომზადებას, სამხედრო სავალდებულო სამსახურში გაწვევის მობილიზაციისა და სამხედრო ძალების რეზერვთან დაკავშირებული საკითხების გადაწყვეტას.

მოგახსენებთ, რომ 2019 წლის მანძილზე პირველად სამხედრო აღრიცხვაზე აყვანილ იქნა სხვადასხვა წელს დაბადებული 300 მოქალაქე. გამწვევ კომისიაზე გამოძახებული 919 წვევამდელიდან. საქართველოს შემკრებ-გამანაწილებელ პუნქტში ჩაყვანილ იქნა 210 წვევამდელი, მათგან საქართველოს სამხედრო ძალებში გაწვეულ იქნა -61, ჯანმრთელობის მდგომარეობის გამო გაწვევა გადაუვადდა-16 წვევამდელს, დამატებით, სამედიცინო გამოკვლევაზე გაგზავნილ იქნა-14, სამხედრო სამსახურისთვის შეზღუდულად ვარგისად იქნა ცნობილი-140, სამხედრო სამსახურისთვის უვარგისად იქნა ცნობილი 25 წვევამდელი, ალტერნატიულ შრომით სამსახურში გაწვეულ იქნა 2 წვევამდელი

გამწვევი კომისიის მიერ მიღებული გადაწყვეტილებით, შეღავათი გაუფორმდა: 292 მღვდელმსახურს, 178-სტუდენტს, 112-მოსწავლეს, 43-დედისერთას, 36-ერთშვილიანს და 24-ორშვილიანს, 2 მძიმე ოჯახური მდგომარეობის გამო, 1-პრემიერის ბრძანებით, 77-წვევამდელს ერთიანი ეროვნული გამოცდების შედეგების გამოცხადებამდე.

პერიოდულად მიმდინარეობდა, პერსონალური უწყებების დარიგება ქალაქის ტერიტორიაზე და მუნიციპალიტეტის სოფლებში, სავალდებულო სამხედრო სამსახურში გასაწვევ წვევამდელთა პირადი საქმეებისა და დოკუმენტების მომზადება, რეზერვში ჩასარიცხ მოქალაქეთა ბრძანების პროექტის მომზადება და რეზერვში ჩარიცხვა.

597 - წვევამდელის მასალები გადაეცა პოლიციას - ვინაიდან საცხოვრებელი რეგისტრაციის ადგილზე ვერ მოხერხდა დაუწყება

259- მოქალაქეზე გადაეცა მასალები პოლიციას-რადგან ვერ მოხერხდა მათი დაუწყება პირველად სამხედრო აღრიცხვაზე აყვანის მიზნით.

92 წვევამდელზე, გადაეცა მასალები სასამართლოს - ვინაიდან დაუწყების შემდეგ არ გამოცხადნენ გამწვევ კომისიაზე.

მოხსნილია სამხედრო აღრიცხვიდან საქართველოს სამოქალაქო სერვისების განვითარების სააგენტოს მონაცემებით 63 გარდაცვლილი მოქალაქე, ასევე მოხსნილია და გადაყვანილია სამხედრო სპეც-აღრიცხვაზე -24, ხოლო საცხოვრებელი ადგილის რეგისტრაციის შეცვლასთან დაკავშირებით აყვანილია აღრიცხვაზე-18 მოქალაქე, ასევე გადაგზავნილია სხვადასხვა რეგიონებში რეგისტრაციის შეცვლასთან დაკავშირებით 16 მოქალაქე. სასამართლოებიდან შემოსული 70 განაჩენის ასლის შესახებ შესრულდა შესაბამისი ღონისძიებები, გაიცა რეზერვისტის დროებითი სამხედრო მოწმობა 62 რეზერვისტზე.

საქართველოს შეიარაღებული ძალების გენერალური შტაბის წვრთნებისა და სამხედრო განათლების სარდლობა G-1 სამმართველოდან მიღებულია 12 პირადი საქმე.

წყალტუბოს მუნიციპალიტეტის მერის ბრძანების საფუძველზე რეზერვში გადაირიცხა ზღვრული ასაკის (27 წელის) შესრულების გამო 201 მოქალაქე, ხოლო სამხედრო სამსახურის გავლის შემდეგ 123 მოქალაქე

საქართველოს შეიარაღებული ძალების გენერალური შტაბის წვრთნისა და სამხედრო განათლების სარდლობა/ G-1 სამმართველოს უფროსის მომართვის საფუძველზე გაგზავნილ იქნა საქართველოს შეიარაღებული ძალების რიგებში გასაწვევად შერჩეულ კანდიდატთა 23(ოცდა სამი) პ/საქმე .

საქართველოს თავდაცვის სამინისტროს თავდაცვის ძალების ეროვნული გვარდიის კადრირებული ბრიგადის აქტიურ რეზერვთან დაკავშირებით შემოვიდა 6 მომართვა, რაზეც განხორციელდა პირადი საქმის შექმნა და დოკუმენტაციის მომზადება.

წლის განმავლობაში, ხდებოდა საქართველოს სერვისების განვითარების სააგენტოდან შემოსული წყალტუბოს მუნიციპალიტეტში მცხოვრებ მამრობითი სქესის პირთა სიების შედარება ანბანურ წიგნებთან, რომლებმაც გაიარეს რეგისტრაცია ან მოიხსნენ რეგისტრაციიდან და პირად მონაცემებში/სტატუსში მოხდა ცვლილება.

სამხედრო აღრიცხვის გაწვევისა და მობილიზაციის სამსახურის საქმისწარმოებისას, დამუშავდა (დოკუმენტების რეგისტრაციაში გატარება, რეზოლუციისათვის მომზადება, ადრესატებისათვის გადაცემა) 52 განცხადება, 443 შემოსული წერილი, იურიდიულ და ფიზიკურ პირებს გაეგზავნა 814 წერილი.

სამხედრო აღრიცხვის, გაწვევისა და მობილიზაციის სამსახურში შემოსული დოკუმენტაცია დამუშავებულ იქნა ელექტრონულად, ასევე მომზადდა მერის 66 ბრძანების პროექტი, 5 წყალტუბოს მუნიციპალიტეტის მერიის სამხედრო აღრიცხვის, გაწვევისა და მობილიზაციის სამსახურის ბრძანების პროექტი, გაგზავნილ იქნა - 104 საფოსტო გზავნილი და შეიქმნა წვევამდელთა სამხედრო სავალდებულო სამსახურში გაწვევის 52 ოქმი.

პაატა ახალაძე



საკრებულოს თავმჯდომარის მ.შ

წყალტუბოს მუნიციპალიტეტის საკრებულო